

秋水庵花影集

秋水庵花影集敘

看公陳繼儒撰

峯泖間久無閒人矣自看道人開徑東余之陽
施子野從泖上築墓西余之陰簾櫳窈窕花竹
參差遠近始有褰裳而遊者余不設籥垣聽人
往來如簷燕如隙中野馬而子野嚴扃鐫以病
辭中酒辭顧閣上嘈嘈數聞絃索度曲聲則子
野所自製詞也客唐突不得入橫折花枝呵詈

委道旁而去而子野默默笑自如子野好日出
酣眠而能讀書至夜半未嘗作低迷欠伸態好
與人轟飲惡戰而能數月持酒戒甚堅好治經
術工古今文而能旁通星緯輿地與二氏九流
之書掉弄而爲樂府詩餘跌宕馳騁凡古今當
行家意崛僵未肯下嘗謂余曰子老矣請時時
過我俯首拍掌而和之暇則爲我題數行傳海
內海內故有天耳人當爲施郎點頭耳夫曲者

謂其曲盡人情也詩人人可學而詞曲非才子
決不能予野才太俊情太癡胆太去手太辣腸
太柔心太巧舌太纖抓搔痛癢描寫笑啼太逼
真太曲折當其志敞意得捃筆如風雨強半爲
旁人掣去或寫素屏紈扇或題郵壁旗亭或流
播於紅綃麗人黃衣豪客之口而猶未睹予野
之大全也今花影集一出上至王公名士下至
馬卒牛童以及鷄林象胥之屬皆咄咄吁駭想

望子野何如人。購善本。換新聲。擲餅金。斛珠當。
不吝惜。豈特爲三夢四聲。猿之畏友而已乎。昔
山谷遇秀鐵面道人。訶其筆墨勸淫。恐墮犁舌。
故其敘晏叔原集云。妙年美士。近知酒色之娛。
苦節臞儒。晚悟裙裾之樂。鼓之舞之。皆叔原罪。
也。子野學道。請以山谷爲戒。子野曰。吾樂府詩。
餘非平章風月。則約束鶯花。艷語麗情。亦不得。
一況謔浪。俱是文章。演唱亦是說法。秀道人見。

之耶使木人歌石兒舞可也雖然此集旣行願
將風流罪過向古佛發露懺悔一番取問者先
生新創茗帚庵其義云何余曰有沙彌請法佛
教之誦茗帚二字誦茗則失帚誦帚則失茗誦
至三年忽然上口遂爾大悟子野能捨無始來
才子習氣作茗帚庵三年鈍人乎便不落綺語
債矣子野稽首曰懺悔竟

秋水庵花影集序

顧胤光石萍鵬撰

夫詞詩之餘也前人謂工詩不必工詞詩料不可入詞料則詞固別有當行而余嘗評覽宋元詞家如蘇如柳如王董關馬諸君各摘致標體不傍門戶濃澹啼笑無相優劣而後太醜爭效顰技同剪綠摹形傷板鏤情涉俚偷字不掩其酸填艷祇拾其唾難哉脫邯鄲而出步也吾友

子野弱冠好詞即工詞積十餘年而不靳公諸
同調以花影名集則命意遠矣蓋詞不難填實
而難使虛而花之弄影妙香色之俱空詞不難
琢巧而難寫生而影之取花妙即離之雙遣詞
不難繁音之噪耳而難柔致之感物而影暈花
花節影妙嫵媚之無骨而參差之善隨以子野
詞拈作花觀兩字歡愁皆嫵紅而慘綠也百態
離合凝笑曠而泣雨也以子野詞拈作影觀趣

橫景後得意在精神之摹寫也思微香寂幽靈
在澹漠之領會也以子野詞拈作花影觀脂氣
淨掃冷韻逼人杳焉作羅浮僊子想則橫水之
一枝也嬌痴欲絕如雨後烟初真堪一字一金
屋則臨鏡之睡醒也當年鐵板誰唱千秋絕調
則百尺松濤響秋月也舊日纖腰齊褪一時情
語則千條柳線搖春風也若乃尋幽盟詠孤芳
三徑高韻素琴無絃倚梯東籬晚香之微有傲

態更或宜紅牙可雪兒移刻度字周郎微顧彷彿藥欄烘日之爭含勝情至如愁冷江皋芙蓉池面煙迷洛浦水仙凌波沉香微醉調扶芳艷俱來壽陽粧開句並清揚共婉暮雨梨釵燈下題紉扇之無恩日移春夢紗窓諧高唐之有約似此引類屬情拈思取境宛爾關合不禁萬斛才情從花影逗露少許耶子野有種情多一切愁緣病緣大半根花緣得居平含宮嚙微引商

刻羽半生苦心此道是能脫盡宋元來粉墨習
氣而獨自登壇作飛將軍者雨閣雲窓膽瓶曲
几寫烏絲付家樂部興到命青衣添沉水進小
玉卮名酒偕解人子夜徵轡則雲破月來之句
不負自許張三影後身矣

秋水庵花影集序

沈士麟德生甫撰

予奔走長安街面土尺許僅爭廣文一席跋涉
千里悲哉予之愚也乙丑之秋又將掛孤篷渡
浙水而西荻花蕭條霜月慘澹四顧童僕依櫬
無色子野將夢水濱予謂之曰吾於世味日漸
蠲幸爲我求隙地於東西奈間行將與爾賦咏
著述何物五斗能使人折腰耶子野戲曰予冷

人也合受冷趣爾熱人也應受熱業爾若飄然
歸來我當分草堂半榻容汝四大何必買山而
隱耶予笑曰子何居高而視下也區區沈生亦
有心胸頭面者斑衣捧檄固知喜動顏色乃由
鬼移文亦知愧入毛髮此行予之不得已也戊
辰之役倘拾得一第則借一命娛兩親不然則
袖書歸田爲老農畢世耳子野曰善吾固知君
非久於風塵者吾將結茆花下以待已而聞予

行裝見予諸行卷因曰吾亦有數首欲乞子一言以行於世開緘出之則花影集也艷句淋漓藻色飛動予捧讀良久心花皆開拍案歎曰嗟乎予所行世不過一時塵言而子則千秋慧業豈不仙凡霄壤尚敢輕置一喙哉雖然惟子野知我亦惟我知子野子野詞章高妙人人所知然予以爲正非子野本色也子野外服儒風內宗梵行其於世間色相一切放下高接山谷毗

睨今古視富貴如浮雲功名若草土即至山水
烟霞文章句字亦如夢花泡影過眼變滅但其
性靈穎慧機鋒自然不覺吐而爲詞溢而爲曲
以故不雕琢而工不磨滌而淨不粉澤而艷不
穿鑿而奇不拂拭而新不揀摘而韵蓋直出其
緒餘玩世弄物彼其胸中寧有纖毫留滯者哉
即其命名花影而其意固已遠矣予之知子野
者殆得之文彩之外章句之先若區區語其藻

艷而已則名箋酒翰路口成碑俊舌歌鶯青樓
偷譜誰不知之而何取於問序於予安見予之
爲知子野也予惟是速了熱業轉受冷趣他時
分得子野草堂半榻當以性靈爲師梵貝爲課
賦咏著述亦多休却子野此時靡詞綺語亦請
一切報罷我正恐其機鋒四出技不勝癢指尖
毛孔皆蒸蒸然不得太平也

秋水庵花影集序

峯泖浪仙自撰

峯泖浪仙行吟山谷盤礴烟水如槁木如寒灰
我喪其我不知我爲何等我也一日刺杖水涯
撥苔花數游魚藻間萍破見耳目口鼻浮浮然
在水面焉因自念言此是我耶抑是影耶影肖
我耶我肖影耶我之爲我亦幻甚矣何必多識
字日夜與柔管作緣平生寡交游偏與毛氏之

宗姓世世結納狎之曰管城子尊之曰穎君以
之電掃橫行則署之曰藏鋒都尉且愛之恤之
珍之秘之不用之於名場貼暉而用之於韻事
風流不用之於話語酸言而用之於雄詞藻句
不用之於雌黃恩怨而用之於嘯咏吟諧不用
之於政牘刑書而用之於花評艷史不用之於
歌功佞德而用之於惜粉憐紅不用之於書箚
持籌而用之於風人騷雅不用之於北闕封章

而用之於東臯著述不用之於青史編年而用
之於春衫記淚不用之於諛辭表墓而用之於
艷句酬香不用之於在駕高軒而用之於過溪
枯袖庶幾無負於桑管哉宜其感恩思報而辛
苦隨我一生也但綺語之業日深月積抑何不
自愛至此矣猶記十六七時便喜吟咏而詩餘
樂府於中爲尤多十餘年來費帑不短幾十萬
嘗貯之古錦囊挑以筇竹杖向桃花溪畔杏樹

村邊黃葉丹楓白雲青嶂席地高歌六兩篇雖
不入譜律亦復欣然自喜山童騎黃犢負夕陽
而歸亦令拍手和歌喁于互答因擇其聲之幽
脆者命歌工教以音律於是花月下香茗前詩
酒畔風雪裡以至茅茨草舍之酸寒崇臺廣園
之弘侈高山流水之雄奇松龕石室之幽致曲
房金屋之妖妍玉缸珠履之豪肆銀箏寶瑟之
縈魂機錦砧衣之愴思荒臺古路之傷心南浦

西樓之感喟憐花尋夢之間情寄淚絨絲之逸
事分鞦破鏡之悲離贈枕聯釵之好會佳時令
節之杯觴感舊懷恩之涕淚隨時隨地莫不有
絃譜新聲稱宜迭唱每聽雙鬟豎子拍板一聲
則沈淪傳響情境生動可謂極風情之致享交
字之樂矣但浮沉濁亂於此中我正爲我身心
性命憂耳謂當傾篋中藏吹杖頭火向稻花風
裡舉蒲葵扇呼鳴鳴而播之我見其灰飛烟滅

而我之真面目始具矣適有客至倚杖與語客
日向聽爾詞耳根快矣獨不可使眼根亦受用
乎請授梨棗使世間有眼人飽看一回也浪仙
對曰我寫不言之句故將以手爲口爾聽無聲
之詞乃欲以目易耳耶我且不知爾之非我我
之非爾爾猶執耳之非目目之非耳耶爾不見
夫花影乎花外之影影耶非花影中之花花耶
是影然則何有何無何彼何此焉知珠聲絹字

非已飛之劫灰而本無之幻相也哉故爾若作
句字觀則些些綺語永爲拔舌成案若作花影
觀則滿帙胡言隨口變滅疎影稀微已爲我向
佛懺悔久矣雖謂梓氏之刃爲祖龍之火可也
客曰命之矣乃私授剗劖而即銀浪仙之語爲
之序蓋序之變格也

秋水庵花影集雜紀

一點板

板者曲之尺度也。雖一定不可易。然或腔活板。歌苑宗工。自有圓融脫化之妙。烏得以一人偶見著爲定律。故不加點。

一添字

詞林舊刻。每添字比正句減小。以示別。茲刻不分異同大小平等。蓋予雖不嫻歌。然方屬句時。

未嘗不接譜審腔。查板填句。縱有添字。亦多無碍。歌喉明于譜調者。自然一覽了然。不須參差刺人眼也。

一校閱

予不妄交。未嘗攀援附會。校讐評閱。止吾相知幾人。常見世之梓刻。有交盡顯人。評滿天下者。茲刻自覺寒酸。然寧使爲予之寒酸矣。

一訛字

近來剗剔日繁。亥豕魯魚。正復不少。茲刻一
細校。點畫無訛。只有纔字。或作才。拚字。或作判。
乃古字本如此。試考大書。從無拚字。纔字。當以
判才爲正。

一評語

集中樂府大套。俱已著評人姓字。其間小令詩
餘。未經明註者。大約彥客闇生。巨卿冲如德生。
爲多。蓋時常聚首。趁筆拈題。不覺其珠聯而貝

合也。

一徵歌

集中諸曲已半付歌兒。管絃翻譜。屢屬名手。幸免鐵絳板之譏。詞壇解人不煩更費推敲。試一按板自然入律。

一流傳

予流連詞翰多閱歲年。靡音麗語每爲好事者所傳。但爾時少作時復收。竄至有終篇一字不

同者。亦有句字幾經更換者。觀者當以茲刻爲正。

一 偽竊

小詞雖極蕪陋。然自寫一得。亦頗自珍惜。奈每
無爲人掩竊。曾於一歌姬扇頭。見夢江南十首。
宛然予作而已。識他人姓字矣。如此者甚多。
一雀聲飛上天。豈容假人耶。不敢不辨。

一 參詳

古人牌名。多有不雅馴者。予稍稍爲之更定。如
麻婆子。改美娘兒。攤破地。錦花。改地錦。攤花。又
如紅綉鞋。改雙乘鳳。尾聲。改鳳毛兒之類。蓋或
因其本事。被之美名。又或因其本名。錫以新字。
其音律。自在。解人當自知之。舉一以例其餘可
也。

一 犯調

古詞過曲。各分九宮。不可強爲配合。予詞皆一

一按譜未嘗以意出入。即間創新聲。如十一聲之類。亦必審官辨律。摘句選聲。試一按歌其音節。頗諧。安知不有勲于詞林矣。

一用韵

嘗考北聲既濫。南音繼起。大都不過聲音相近。爲韵耳。自數年前。南詞韵選出。始奉中原韵爲詞林宗律。夫詩有詩韵。詞亦應有詞韵。非受持束縛。不見此道之難。但廢四聲爲三聲。以仄韵

爲平韻。以閉口爲開口。此豈可爲訓耶。且子集
中多少作韻。邈未出時。業已成帙。不能一一訂
改。以賜舌從事也。三卷夏景闋詞後跋語。解人
幸一參觀焉。

秋水庵花影集目錄

卷一

樂府

春遊述懷

北正宮端正好

錦烘天

湖上新居

南仙呂八雙調步步嬌

水際幽居

山園自述

南仙呂甘州歌

天容我嬾

倭花

南仙呂入雙調環南枝

金鈴護

賦月

南商調梧桐樹

松間漸漸明

吟雪

南商呂梁州序

尖風一夜

歌風

南商調梧桐樹

青蘋葉勢平

花生日祝花

南商調黃鸝兒

把酒祝花神

惜花

南商調二郎神

憐花病

送春

南仙呂桂枝香

留春不佳

元宵

南南呂梁州序

千門花柳

除名

南中呂好事近

簾外鵲聲高

卷二

樂府

金陵懷古

南仙呂八雙調夜行船

虎踞龍蟠

合鏡詞和國生作

南商調金索掛梧桐

安排錦綉窩

夢花詞

南商調梧桐樹

屏山錦綉開

園林初夏

南商調集賢賓

洗園林

舟居旅懷

南仙呂入雙調惜奴嬌

飄伯寒塘

桃花

南正宮白練序

春如綺

楊花

南南呂梁州序

花明如綺

贈石城董夜來

花星偏照

甫仙呂月兒雲

閨詞

南仙呂入雙調步步嬌

翠被香濃

夜雨

北雙調新水令

没人庭院

漁父

南仙呂桂枝香

風頭雨急

問桃和閨生作

南商調二郎神

春才好

錢塘懷古

南仙呂入雙調曉行序

傳說錢塘

送春

北南呂一枝花

香披錦帶亭

中秋

南商調臨江仙

明月清風

懷舊

南黃鐘画眉序

孤燈伴愁寂

月下感懷

南大石念奴嬌序

陰晴萬古

舟中端午

南商調梧桐樹

歌長檳板濕

旅懷

北仙呂入雙調二犯江兒水
相思滋味

感梅

南仙呂桂枝香

一堆雪裡

七夕

南商調二郎神

秋風起

閨恨

南商調十二紅

一團花

妾初度偶言

南中呂漁家傲

今日裡

清明

南北仙呂入雙調新水令

軟風甜雨

與妓話舊感贈

南仙呂入雙調步步嬌

未許芳心

村居年韻

南南呂嬾画睂

膽瓶斜插

絃索詞

北南呂罵玉郎

手抱琵琶

重陽恨

南南呂香遍滿

重陽時候

七夕閨詞

南南呂梁州序

羅衣初試

春思

南南呂楚江情

飛花打綵

村居九日

南仙呂入雙調步步嬌

滿地黃花

閨詞

南仙呂九迴腸

髻兒邊

除夜

南北仙呂入雙調新水令

滿堂華燭

先君百日感懷

南南呂嬾画眉

尖風微透

卷三

樂府

送張冲如遊靖州

南北仙呂八雙調新水令

江天風淡

梅花

南南呂嬾画眉

一枝花發

村中夜懷

南唐調二郎神

和衣睡

懷舊重和彥容作

南黃鐘兩眉序

心頭轉悽惻

四景詞

北雙調入不就

恰收燈

和彥容重會西湖修姬留別之作

南南呂宜春令

春將盡

悼亡坡爲彥容作

南仙呂桂枝香

時時心裡

贈嫩兒

南南呂嬾回紉

葡萄花下

菊花

南仙呂入雙調步步嬌

老圃先生

夜窓話舊

南仙呂八聲甘州

鴛鴦牒上

清明感桃

南商調二郎神

花如夢

七夕後三日祝如姬初度

南中呂好事近

花種降瑤池

寄人攜李

南商調金索掛梧桐

花間宿雨收

賀闍生新居

南大石念奴嬌序

予家烟水

相思

北幾調聞怨璿宮

掩重門

爲顧寶雲作

南中呂泣顏回

見面勝聞名

相思

南南呂嬾画眉

暗燈微雨

贈薛小濤

南商調長相思

帶風朝

贈別和彥容作

南正宮錦纏道

慘西風

端陽

南南呂懶画眉

饒君痛飲

夏景闌詞

南仙呂入雙調步步嬌

夢破秦樓

感亡妓和閨生作

南商調二郎神

烟花夢

雪詞

南黃鐘画眉序

水墨寫江天

風情和彥容作

南中呂駐雲飛

願願遠延

贈人

南仙呂入雙調步步嬌

一自匆匆

集彥容舟中時蘇王二姬在坐

南商調金索掛梧桐

江潮雪賺堤

送闍生北遊

南中呂好事近

烟柳拂旗亭

秋閨

南商調二郎神

西風裡

別石城羅采南和彥容作

南商調字字錦

勾銷富世緣

春闈夜月

南商調集賢賓

珠簾半捲

特別和彥容作

南仙呂入雙調步步嬌

眼際人兒

贈人

南南呂顰眉

尊前照見

有寄

南仙呂桂枝香

支願獨坐

幽期

南南呂香遍滿

瞻鈎起影

卷四

樂府

冬閑

十一聲

村中端午

南仙呂桂枝香

舟次贈雲兒

南商調二郎神

贈別冲如時予讀書柳上

顰梅花

端陽時候

春雲卷

南南呂梁州序

晚雲初霽

有懷

南商調黃鶯兒

獨坐小燈前

決絕詞

南正宮普天樂

我才名

樂府小令

南商調黃鶯兒

閨夜

閨夢

佳人睡著

佳人睡醒

雨景和閨生作

初夏

清明郊行

記事

即事

春日花下憶石城董夜來二首

夏夜

南雙調清江引

荷花四首

別思四首

南商調山出羊

旅懷

南商調玉胞肚

有懷

得信

小園

夏景

贈楊姬和彥容作二首

夜泊懷人

訪妓不遇

南商調金索掛梧桐

憂懷

將秋

南正官玉芙蓉

瓶頭

美人贈鞋和彥容作

南仙居桂枝香

春曉聞詞

悼紫簫

暫別書情二首

南南呂六犯清音

憂聞

南中已駐雲飛

和梁少白睡窓緒十首

春恨

幽會

邂逅

奇遇

邀請

寄遠

殘夢

密約

曉妝

沉醉

閨恨

風情二首

丟開

有懷

南仙呂月雲高

秋閑恨

南仙呂入雙調瑣南枝

簾中人

夜寒

密村中有懷

旅次相思十首

南黃鐘西窗序

幽會

南蠻調對玉環帶過清江引

自述二首

北黃鐘水仙子

幽居二首

卷五

詩餘

夢江南

秋思十首

舟中夜別八首

長相思

秋夜

閨夜

旅懷二首

味字詞和隔生作

閨意

夜泊

客中秋思

昭君怨

即景

生查子

風情

點絳脣

雨景

泖橋次舒公韻

小園二首

堤柳

江上晚歸得影字和闇生作二首

春閨

題雪圖

有懷

如夢令

掃地

愁

雨夜醉中作

偶懷

雪齋小集話舊次闇生韻二首

記得二首

同明公夜話和彥容作四首

浣溪沙

閨中月夜

閨思二首

春景

村中初夏

送春寄恨四首

艷詞五首

雨夜有懷四首

寫所見

菩薩蠻

春景

詠茉莉和彥容作

和彥容留別雲姬

代雲荅

和閨生娘字詞二首

昆陵歸路紀懷二首

雨中憶張冲如

春閨

夜聞

玉聯環

春望閑情

憶秦娥

春原

觀芙蓉底舊次開生韻

寒夜

村中

風晴二首

題事

懷王修微

咏雪二首

朝中措

春遊

減字木蘭花

芳草

三月晦日二首

贈別

謁金門

春盡

清平樂

梅

雪

深秋病起與玄大師偕包稱先見訪山齋

同賦

夜坐二首

送春

回堂春

閨思

春閨

浪淘沙

壬子至夜有感

春愁

有懷

西奈山居

晚景和沈德生作二首

桃源憶故人

曉粧

木蘭花

半老佳人

小鬟

鷓鴣天

冬閨

夏閨

玉樓春

閨意

憶舊

閨思

春閨

秋閨

虞美人

春閨

春懷

南鄉子

舟中雨景

醉紅粧

美人

踏莎行

閨情

初冬彥容闇生孺容君泰元結見訪山齋

留宿和彥容作二首

鵲橋仙

七夕

小重山

茶

臨江仙

茉莉

行香子

記別

蝶戀花

夏閨

途中有寄

夜思

青玉案

述懷二首

天仙子

寒夜闌張三影句因得十影

江城子

秋夜爲觀荷待月之酌

遊句曲

旅夜

春遊

咏花

漁父

西江月

夏景

月

風

感舊二首

憶舊二首

初夏

警悟

憶朗公歸山

青衫濕

雨夜

醉春風

閑曉

江城梅花引

閑情

滿江紅

旅况

遊虞山

君山吊古

山中夜思

千秋歲引

秋夜

壽奕山韓太翁九十

疎簾淡月

送朱堯明歸蜀

梅

蠟梅和彥容作

洞仙歌

壽順江舅翁七十雙壽

華胥引

記夢

滿庭芳

夏景

閨曉二首

夜泊書懷

鳳凰臺上憶吹簫

閨意

燭影搖紅

辛亥至夜懷舊和彥容作

望海潮

早春即事

醉蓬萊

視彥容九月初度

念奴嬌

春初

早春送望子闇生游武林次彥容韵

壽項少瓶先生

七夕壽領振吾鰥居七十初度

金菊對芙蓉

壽顧紹庭六十九月初度

綺羅香

雨景

雨淋鈴

風雨

拜星月慢

閨月

薄倖

記恨

春從天上來

除夕

絳都春

臘梅窓月

臧氏

冬日感懷

秋水庵花影集目錄終

花影集

目錄

秋水菴花影集卷一

華亭峯泖浪仙施紹莘子

樂府

○○○春遊述懷有序跋

秋○去○春○來○愁○縈○病○惱○自○是○傷○心○南○浦○其○如○撲○
而○東○風○携○短○筇○于○錦○陣○命○付○花○魂○漉○破○葛○於○
玉○釭○夢○回○酒○國○盍○竊○歎○浮○生○之○如○寄○乃○深○悲○
去○日○之○苦○多○若○舍○現○前○之○樂○事○何○與○身○心○倘○

圖沒世之令名空勞夢想因茲挹秀於烟霞
聊且娛情於花月封拜青州從事不辭歌院
乞兒俯仰天地之寬安適性情之便爰趁春
遊遂成新什行人人生之樂耳捐卿法之彼哉
令解人聞之會心而下士聞之大笑云爾

北正宮端正好

錦烘天香鋪地東風裡綠柳橋西亂芳遙觀前山翠
似董北苑先生筆

滾綉毬

不多時纔看得梅霎時間又開到李柳窺青漸蘇嬌
睡小天桃打扮衣緋菜花田獵獵低紅花田剪剪齊
一陣價香風肥膩慢騰騰淡日西飛猛踏破落花堆
裡滑了鞋底抓住了繁花刺兒碎了綉衣又過前溪

叨叨令

且尋一個頑的耍的會知音風風流流的隊拉了他
們俊的俏的做一個清清雅雅的會揀一片平的軟

孔景集

卷一

卷二

的。槐。花。苗。香。香。馥。馥。的。地。擺。列。着。奇。的。美。的。趁。時。景。
新。新。鮮。鮮。的。味。兀。的。便。醉。殺。了。人。也。麼。哥。兀。的。便。醉。
殺。了。人。也。麼。哥。任。地。上。乾。的。濕。的。譚。帳。呵。便。昏。昏。沉。
沉。的。膳。

脫布衫

忒。撩。人。賣。酒。紅。旗。映。歡。韃。在。紅。杏。樓。西。樓。兒。上。那。欄。
杆。斜。靠。的。血。紅。衣。見。人。迴。避。

小梁州

如此勝遊人
生能幾

故絕前絕

又見些隻隻弓鞋一捻的時樣羅衣知他是燒香的
還是上墳的喬裝髻掩扇漏蛾眉

么

○倒○是○聰○明○不○是○妙○妙○
聰明人不合多伶俐被他們酒泥花迷杏花天楊花
地和二三知己睜醉眼看名姬

上小樓

垂楊院裏朱門斜啓且待俺陪個殷勤借看園林纔
過花堤怎知俺命兒裡冤家作對驀撞的鬪草的十

來個妓

么篇

騎馬的葉葉衣坐轎的呵呵睡還有個酒壺兒斜盪
食罌兒分携妙人兒相偎引得俺半日裏跟到黑淒
涼慙媿怎當他半回頭風遞過口脂香氣

多情於此無
可奈何

滿庭芳

亂香堆裡一灣流水茆屋竹籬恰正是寒食天濁酒
兒剛纔起試新茶纔放槍旗偏湊的筍鮮菜美又撞

現前景物拙
水便妙

止令人魂斷

忽吐哀音
竹音淚

的。現。肥。芹。膩。小。飲。藤。花。底。盤。餐。進。枸。杞。人。醉。了。日。頭。
直。

快活三

是。誰。家。笙。歌。沸。偷。空。裏。笑。微。微。隔。牆。惟。見。柳。巍。巍。這。
便。是。洞。天。裡。神。仙。會。

朝天子

只。可。憐。塚。壘。壘。土。堆。白。條。條。掛。紙。費。多。少。兒。孫。淚。眼。
前。的。酒。飯。兒。不。能。教。喫。哭。拜。罷。人。歸。矣。蝴。蝶。青。錢。杜。

腸紅淚纔懊悔當初不醉死生前事在這壁死後事
在那壁短多少萬古英雄氣

四邊靜

是誰知唐宗晉室但當年墓碑而今廢基草樹狐狸
松栢寒山背今宵却在雨裡昏慘慘悲燐濕

耍孩兒

我如今決計疎狂矣且隨喜花邊酒裏一年春去又
春回好隄防白髮相欺須搜尋直入烟花隨更頑耍

自此至本章
話語達生句
句透教士
風流於世

知足

爭爲麴蘖魁。日日花間醉。惹得的桃花笑。我柳也開眉。

五煞

看青山。恰打圍。曲灣灣。水接離羣花姊妹。隨行隊。天偏生我爲男子。况春放開人。撒酒資。須直是風流。人切莫把花盟酒譜。半點差池。

四煞

漸東君。逐旋歸。好花枝。怕一夜飛曉來。滿地胭脂碎。

比香淡才
大雄為花
但才是閑

分明萬古英雄淚應感盡人間閨秀
眉須快把杯兒
笑若放過了良辰美景痴也真痴

三煞

可拘

好良朋近可携小花籃便可提家家酒氣和花氣閒
來酒店通新債更密選花枝寄所私狂甚奇句天使願
如此生涯老我不省前非

二煞

不風流俗怎醫會風流債怎推好花好酒天生配我

以月不

酒中要強爲監史。花裡從教做伐媒。僉士了風流籍。
休趕向紅塵隊裡斷送頭皮。

一煞

妖姬且自携新詞。且自題圍碁賭酒賢乎。已探花妒。
殺蜂磨腿趁酒閒看蝶。晒衣頑童且莫催歸急。却不
道小臣卜夜秉燭傳杯。

煞尾

置身峯泖間。避世詩酒裡。買一個載花船。來往烟霞。

際向這些美酒名花道聲生受你

予雅好聲樂每聞琵琶箏阮聲便爲魂銷神
舞故邇來多作北宮時教慧童度以絃索更
以簫管叶予諸南詞院本諸曲一切休却間
有名曲畧譜其一二條每遇佳時豔節錦陣
花營美人韵事則配以靡詞若奇山異水高
袖羽流感懷吊古則副以激調隨境寫聲隨
事命曲管絃竹肉稱宜間作更以烟霞花月

消除花月使
用文章亦著
于畫屏矣

征西將軍侯之墓如何

酒茗詩棋襯貼其間如此追逢三十年歸骨
于先人之側乃以片石立墓道曰有明峯泖
浪仙之墓則吾願足矣頭上烏紗腰間白壁
青史上官銜政蹟件件讓與他人可也自跋

南音多柔曼。北音多激壯。蓋亦五方風氣使然。子野此詞。有大江東去之雄風。復饒曉風。幾月之佳致。故以銅將軍鐵綽板歌之。而不失之凌勁。即以十七八嬌女兒。挾錦瑟。按紅牙。唱于步絳帳下。而不失之纖弱。顧彥容體制之弘。如垂天之雲。風情之逸。如穿花之蝶。兼之曲折排蕩。有堤草芊綿。春池瀲灩之意。真當行名篇也。沈德生

○○○柳上新居有跋

南○仙○呂○入○雙○調○步○步○嬌○

好景

水○際○幽○居○疑○浮○島○結○構○多○精○巧○垂○楊○隱○画○橋○轉○過○灣○
真坑

兒○竹○屋○風○花○掃○門○僻○是○誰○敲○賣○魚○人○帶○雨○提○魚○到○

醉扶歸

淡○茫○茫○水○鏡○推○窓○曉○點○疎○疎○漁○燈○夜○候○潮○暗○昏○昏○場○
雨○過○平○臯○白○微○微○鷺○雪○銷○殘○照○蓼○汀○秋○水○乍○添○篙○只○
覺○的○地○浮○天○漲○乾○坤○小○

皂羅袍

開○則○扳○臂○把○釣○將○魚○籃○一○個○背○月○而○挑○巨○螯○紫○蟹○帶○
生○糟○晚○潮○壓○酒○賓○堪○召○圍○碁○賭○勝○猜○拳○賽○高○其○聯○白○
社○約○會○青○苗○更○有○閒○中○交○際○山○陰○棹○

好姐姐

種○花○兒○不○低○不○高○恰○教○他○水○流○花○照○芙○容○五○色○夾○過○
水○西○橋○更○荷○花○繞○每○逢○秋○夏○香○難○了○透○着○衣○裾○不○可○
銷○

衣○彩○亦○有○仙○氣○

少字吉木
少則花盛字
法珍絕

香柳娘

更春風岸桃更春風岸桃水肥花少癡肥恰是村粧
貌種籬邊野菜種籬邊野菜夜雨帶泥挑滋味新鮮
好向池邊聯句向池邊聯句不用甚推敲別是山林
調

尾文

常常濁酒沉酣倒高臥時聞拍枕潮自起推窓正月
上了

予烟霞痼疾。出于性成。猶記五六歲時。便喜
種植。以盆爲苑。以盎爲池。竟日徘徊。欣然如
有所得。七歲就塾師。或遷延避學。無他嬉也。
止遊戲。予花草間耳。旣壯。誘慕日增。時寄情
于詩酒聲色。要以鋪觀林泉。未嘗忘本也。丙
辰冬。始營西余別業。遂爲先人卜宅。蓋便爲
予歸骨地矣。已未秋。復移家圓泖濱。故予詞
有置身峰泖間。避世詩酒裡之句。幽懷逸事。

老我一生亦
復何恨

善於識
亦占便宜

多散現于諸詞句字間可考而得也每春秋
則居山亭桃梅桂菊之奉覽烟雲月露之奇
冬夏則居水長禾黍鷄豚之社樂池潭風雪
之觀吾事不亦既濟矣乎夫清福上帝所忌
自分福薄何以堪此但性有所近天實賦之
違天不祥拂性斯戾惟願折功名富貴之緣
併于一途庶幾當懺悔云爾自跋
子野有宅一區在城東偏然性宜泉石不樂

此直可作子
野小傳高風
逸興恍恍寫
盡矣

塵市。因營先公菟裘于西。余遂葺就麓新居。
齋曰三影。亭曰衆香。菴曰秋水。樓曰卷黛。曰
妍穩。軒曰語花。曰聊復。更有竹間。水上。西清。
茗寮。一燈十笏。諸勝瑤草琪花。芊綿芬馥。板
橋石磴。蜿蜒峻嶒。方其玉鱗寂寂。翠羽嘒嘒。
淺水冰魂。黃昏微月。恍游瓊圃。疑入羅浮。及
夫桃舒小紅。杏破新粉。蓮抽並蒂。柳撲香綿。
奚翅鳳巢。僊姬更進。迭換至若蓉塘初賦。桂

叢乍發嶺。相失青籬菊。始黃最堪把。酒拍浮。
凭高長嘯。由此南折而上。爲霞外亭。檜栢蒙。
茸松篁岑鬱。又折而上。則蘿蹊藤逕。盤旋委。
蛇。漸抵山之峻絕處。肯堂三楹。扁曰春雨。曰。
詩境。曰太古齋。九峯若拱。萬壑如縈。一鶴孤。
鶩。片雲低宿。杳非復人間世矣。子野值春秋。
之季。必攜姬侍居焉。故比鄰陳睢公贈之詩。
云。人擁如花香。園近酒逢敵。手醉鄉寬。蓋實。

錄也。迨冬夏乃。憩。泖上之精廬。中有醉吟堂。
竹妙齋。且閒亭。今我堂飛絮亭。皆枕平臯。俯
巨浸。凡蓴。苽。菱。芰。鱸。鰕。鯪。魴。之屬。靡不畢。湊。
規制大約如山庄。而宏敞過之。茶寮。湯沸。竹
屋。火燄。可絃。可歌。或釣。或弋。復造一畫舫。命
曰。隨菴。每風月清美之辰。放浪于鷗沙。鷺渚。
之際。携六七童子。吹洞簫。拍象板。鼓檀絲。唱
自製詞。直令湘靈和歌。馮夷起舞。望者訝爲。

神仙云。况其六心簇綺。墨海翻瀾。少出殘膏。
便足拾紫。抑豈疾瘡烟霞。作江湖長已耶。夫
人欲樂者。未必能樂。能樂者。未必知樂。子野
饒其具。仍解其趣。可謂有全福矣。甲子小春
偶讀柳上新居曲。聊紀大勝情如此。且以見
金谷奢。平泉痴。反不若子野小小結構致足
樂也。彥容跋

○○○山園自述有跡

南仙呂甘州歌

天容我嬾只勾管人間一片青山考槃在澗葦個蓂
屋三間忙他沒用且了閒把秀竹幽花隨意撒花鋪
地竹磳冠繞花依竹放欄杆花畦潤竹徑乾趁花尋
竹間平安

可想見園亭
內致亦可想
見主人風流

前腔

開軒近水灣把雲根洗出瘦骨蒼顏梅花一片正暎

著雪後前山天桃文杏雨更番漸開徧梨花接牡丹
荷珠戲桂露溥芙蓉一夜報初寒黃花瘦橘柚圓
梅和雪昏窓閑

解醒歌

怕天公不饒閒漢敢辭他種花煩難况凡花易活非
稀罕任搬掘與板并柴門客到應門自有花伴襲待
客去花仍送出山亭臺小位置偏偏教放在百花間
遮花日映柳烟護花斜蓋小紅旂

方知種耕種
杖亦非閒漢
此等應門十
分解事臺門
貴客最像如
雨能解用此
等人否

高入達士之
言

自寫錄自

敘幽歡語語

逼真

量方而動安
分知足彼咄

咄咄者正

坐無此識見

耳

前腔

笑人閒恩手讐萬怎如我碩人之寬花哇竹圃吾恒
產前頭事任天瞞今年多事門前又開一塊山更種
竹搬花不得閒花光護竹翠攢一家骨肉共團圓花
生子竹放鞭花天竹地儘盤桓

皂羅歌

不少布衣粗飯勸功名兩字饒我牽扳假饒霖雨徧
人家怕眼前三徑先荒早休貪他好把自己拚花愁

世○人○如○此○者○甚○多○

竹怨你何安且吞花片更數笋斑尋常隨分好消閒

前腔

把幾字題於門板但休教折損儘許人看不迎不送
怨痴頑黑甜每日抽身晚君無訝我意安大家平善
兩無干從君惟只等閒我方高枕把門關

尾文

醒來帶膳揩雙眼上竹外高樓自看山渾忘却今朝
未啓關

如此痴頑
應怨之矣

箇字平淡
近自添

尋別業在西。系之陰荒。陋深僻。聊以逃名。避
人。灌園畢世耳。邇來生聚漸繁。園材日侈。省
公。先生爲開山初祖。諸名家亦漸次開闢。於
是。改新路而喪其本。真鑿頑山而破其渾沌。
耳目頓易。使人神魂欲飛。春之花。秋之月。倩
女如雲。綉弓窄窄。冶遊兒。烏帽黃衫。担花負
酒。每至達旦。酣歌并日。而醉剝啄。驚夢不問
可知矣。夫吾輩草木同腐。入山惟恐不深。何

堪。喧。襍。值。人。如。此。且。予。兩。年。多。病。深。居。杜。門。
客。來。題。鳳。至。鞭。及。愚。聞。而。罪。及。病。主。甚。且。戕。
花。折。柳。翠。殞。紅。殘。毀。瓦。踰。垣。狂。呼。怒。罵。能。不。
視。遊。人。若。豺。虎。哉。倘。能。問。竹。平。安。惜。花。薄。命。
則。花。之。知。已。即。予。之。良。朋。予。且。招。致。之。不。暇。
忍。使。作。門。外。漢。乎。則。要。當。以。愛。花。爲。自。愛。耳。
乙。丑。首。春。適。關。治。南。山。種。桃。蒔。竹。閱。工。石。上。
偶。口。占。數。語。自。述。人。外。之。樂。而。因。爲。後。幅。一。

條以告遊者。白跋

子野丘壑幽姿青霞傲骨其徜徉塵外眈眈
寰中要是天授耳右詞自寫閒情蕭疎高遠
如景星慶雲可望不可致夫豈樊籠中人也
哉。沈竹明

○○○ 倭花有跋

南仙呂入雙調瓊南枝

金鈴護錦帳。捱封家大姨。誰敢猜妙選。出塵埃。向名園如意買。高低種。曲折排。泛紅濤。翻綉海。

朝元歌

鴛鴦猜燕猜。忒作踐。嗔他反峰來。蝶來紫。幫襯愁他採。待貼上金釵。繫將襟帶。忍教粉香塵土埋。就飄墜。蒼苔。願盈盈。踰將紅綉鞋。更脩口。懺花齋。願花緣。常是。

諧判個補填花債受持花戒那敢負恩分愛負恩分
愛。

香柳娘

折將來近他折將來近他胆瓶安在枕邊燈下屏山
外掃將來坐他掃將來坐他香錦簇新苔鞋襪分餘
彩嚼將來咽他嚼將來咽他沁入肺腸來毛骨冷然
改。

香柳娘三閨
步步看緊如
是受花司謂
奇癖矣

前腔

乞名詩詠他。乞名詩詠他。錦囊攜帶。一時聲價千金。
買乞名工畫他。乞名工畫他。紙墨暈香。願活現春常。
在乞名姬綉他。乞名姬綉他。孕出美人胎。分外生光。
彩。

前腔

願輕輕雨洒。願輕輕雨洒。洗粧抹黛。蕭然標韵風塵。
外願微微風擺。願微微風擺。韵臉笑微開。波俏世無。
羨願疎疎月照。願疎疎月照。清影逗香堦。永伴佳人。

拜

玉交枝

情債業債何
日是了

依附花神可
拚花煎

真是無所不
馬其極

解三醒

傍人休恠這花緣。前生帶來命中干犯。真無奈。撒風
情。本分應該因此上。錦囊拾得盡詩材。紅裙贈與添
情債。但花開是我時來。運來若花衰是我時乖。運乖
我把你珍珠般待。我把你姬妾般捱。我把你花王頂
禮。常朝拜。我把你品命分明次第排。我把你開時命

酒。歡。呼。快。我。把。你。落。處。填。詞。吊。吟。哀。渾。填。債。多。只。爲。
花。星。照。命。攬。得。痴。騃。

尾文

爲花常是耽禁害。就受用名花也。合該再做首艷句。
新詞荅謝來。

一生與花作緣。無日不享供養。使無奇文麗。
句。納交獻媚。亦甚媿爲花神薄倖人矣。甲寅。
春有祝花小詞。甲子春稍稍更定。自謂差効。

韻之氣本
無所處

微情。然猶覺花恩深重。未能報頌萬一。清明
花下。復填右詞譜調。生新語意。柔逸深情。委
思。頗極其致。今人語。謫媚之甚者。謂之肉麻。
是。真可謂肉麻矣。第求免爲花神薄倖。鬚眉
之氣。於此毫無所用也。本題初爲歌花。復改
爲倭花。正道其實。且志我痴耳。甲子清暑齋
日。納涼且閒亭偶記。自跋

倭花至此。萬種情痴。烟花主盟。豈容多讓。

柳碧
泰

花遇賞心。如佳人遇才子。自然供養奇擎。古
人有爲之取涼爲之画眉者。要自是文波蕩
漾耳。倘落村漢手。無論揉香刻玉。即狎昵留
連。然而以蒿莽之氣施之。柳寵花嬌。此篇文
字殊覺疎庸。草率乃知。佞花兩言。初非易事。
豈容不識字人。妄稱花黨耶。右詞如此。才情
自應判斷。與花作配。夫花撰文章。依稀成字。
筆拈芳艷。錯落生花。我不知其是。一是二。宜

乎其。不。媒。而。合。也。陳。睢。公。

丙寅初夏集朱夢堂獲聽子野此詞兼得讀
其副本一時坐客同聲歎美予時病酒燈下
不能辨細書不覺爲之眼明快飲十蕉葉
舉

張余

○○○賦月有跋

南商調梧桐樹

松間漸漸明柳外微微映探出花梢忽與東樓近低
低與几平淡淡分窓進雲去雲來磨洗千年鏡照鞦韆
院落人初靜

東甌令

山煙醒柳煙晴放出姮娥羞避影裝成人世風流境
搖幾樹西廂杏浩然風露夜冥冥細語没人聞

恍然月出

大聖樂

透疎簾照破黃昏進鴛幃窺鳳枕玉人何處瓊簫冷
 心上事夜香亭多應是半輪慘淡相思鏡還可是一
 段幽深吊古魂梨花夢醒早鵲啼恨血草荒煙暝

解三酲

有多少欄干露冷有多少高燭花明有多少南樓好
 句裁三影有多少綵袖籠燈有多少曉風楊柳紅牙
 板有多少歌館樓臺義甲爭歡無盡多應是水魂蕩

涼逼出風情。

前腔

更多少空窓製錦更多少小閣挑燈更多少楓江面
掩琵琶冷更多少茅店霜清更多少悲笳曲罷關山
靜更多少玉笛吹殘參斗橫情何盡多應是冰輪有
意照見銷魂。

尾文

一些見清光瑩幻出人間萬古情我別把冷眼閒心

向百花樓上飲。

曲譜玉盤金餅詞之表表者也。但剽拾太繁，未免膩氣。甲子仲春之望，看月于就麓新居之罨黛樓時，宿雨初晴，碧空淨洗，四山如眉。一輪安鏡，欲徵新句，頗厭蕪詞。因抒短毫，爲填商調，將以昏痕墨氣，暈出冰魂，情耶景耶，不覺其畧盡于此矣。以方前詞，或者駢贈不足，然而風雅過之。花月之下，使以香喉俊舌。

撩袂長歌。更以玉簫金管。尋腔暗度。當使耳。
根心辨生氣。一新玉盤金餅。竟成謝事老翁。
不得復向少年。擲爭座頭矣。自跋

古今咏月詩詞已極。文人之變羅洪先詩云。
欲憑此影向天問。汝瞻何物能縱橫。頭尾藏。
縮止餘腹中。孕大地山河精。此問月險語也。
何大復云。侯家臺榭光先滿。戚里笙歌影乍。
低。與君相思在二八。與君相期在三五。此驗。

月致語也。范元卿詞云。銀葩星暈。點破琉璃。
碧。又云。銀漢無聲。冰輪直上。桂濕扶疎影。李
漢老云。滿天霜曉。叫雲吹斷。橫玉此題。月麗
語也。曾覲云。玉手瑤笙。一時同色。又云。何勞
玉斧。金甌千古。無缺。周美成云。明月影穿窓。
白玉錢。無人弄。移過枕函邊。此歌月倩語也。
然一粘色相。便落日窠。少修博綜。遂嫌鉅釘。
總未若子野是詞。如水中蘊味。非有非無。紙

上花光不離不即。試共南樓老子。北里倭人。
一傾耳焉。恍乎排紫清。入廣寒。聽霓裳三疊
矣。顧彥容

中如低低與几平。淡淡分窓透。雲去雲來。磨
洗千年鏡。又如裝成人世風流境。等句獨挪
新聲。雖關馬再生。能道隻字否。彥容又評
句句是月。而使事用實。輕虛脫化。帶上幾無
墨痕矣。殆化工筆也。呂鳴玉

○○吟雪

南南呂梁州序

尖風一夜彤雲千里池面琉璃輕脆六花騰舞先春
已奪花魁只見穿簾似燕入幕如賓酒脫無拘泥欽
頭扶上也有情痴就飛到爐烟心未灰銷金帳笙歌
沸纖纖玉手羊羔美正開宴艷羅綺

前腔

開簾疑月開門無地一幅米顛山水江天釣艇濛濛

幾個簑衣只見危橋驢瘦老柯鴉寒小犬柴門吠梅
邊竹上也故依依更逗入松梢伴雀栖茅屋下明窓
裡初煨脗拙青烟細商茗事儘幽致

前腔

乍飛來草榻無羈更飄酒牛衣無被問村荒店遠酒
沽來未只見微晴漏日忽暗藏天恍惚寒山翠誰家
粧閣也火初圓想脉脉心情上客衣庭霰積瓊瑤碎
狡獪裝捏兒童戲成忽敗小與廢

前腔

太輕盈似柳絮顛狂爭縞素要梅花迴避見窮途古
棧一人一騎可有高朋夜棹上客梁園拾句蒼茫裡
詩成笑傲也與尤癡待撻破前山白玉堆填谿壑滿
堦砌紅塵打滅渾無際炎忽冷笑人世

節節高

風怒動夜幃更飛飛窓敲碎玉聲偏細寒酸味煨芋
魁烘綿被天明一覺呵呵睡人間尚有鶉衣碎幾處

此至重
用已多
不知兄也

繩床赤脚眠於中。不要豐年瑞。

前腔

空庖恰早炊。爨烟遲。瓊霏亂洒晨光碎。敲冰箸。淪茗
旗。園蔬脆。一杯麥飯粗歡喜。人間尚有瓶無米。幾處
詩人得句時。貧家何限淒涼淚。

尾文

願憑一瓣風吹起。遞入綺羅筵裡。好帶却陽和一線
回。

風花雪月。總屬化工。然使乾坤別開生面。莫
過於雪尤天地間一奇境也。一切酸腐鉅釘
語。對此都有慙色。予昨歲有圖翁序一闕。已
曾譜之竹肉。第恨調屬黃鐘。近於板實。且文
情亦似枯寂。乃複製右詞。庶幾窮雪之變。而
調亦俊快。每當微霞初零。殘霰未死。紙窓竹
屋。茗戰香焦。勝友名姬。花溫酒煦。更以尖喉
脆笛。高調穿雲。此時神魂飛舞。當在孤山梅

影中。灞橋、馳背上矣。自跋。

南園調梧桐樹

東甌今

賦月公進賢
離苑鳳苑而
此亦云然了
則風月信哉
多惜而善哉

亦可知矣

眩帶入情
無跡

後隨雨風
可光
一
事
用
其
似

大聖樂

做春寒遞入疎楞漾
釵旆頭上冷
髮花吹落香頰影
帶幾線淚痕
米多應是飄零
恰似郎心性
可更是蕩漾
還如妾夢魂
燈昏暈
正和花送雨
惱人春病

解三醒

吹不了愁香怨粉
吹不了瘦鉄窮砧
吹不了玉門關
上秋鴻影
吹不了曉月津亭
吹不了夜深借帶
幾鴛冷吹不了
春煖弓鞋百草
董婆涼景
吹不了柳綿如

霜○古○渡○荒○城○

前腔

吹○不○了○紙○錢○灰○冷○吹○不○了○野○燒○痕○青○吹○不○了○酒○旗○葉○
葉○春○江○影○吹○不○了○古○戍○烟○橫○吹○不○了○人○悲○客○路○斜○陽○
颼○吹○不○了○鬼○哭○沙○場○夜○雨○憐○添○悽○哽○吹○不○了○子○規○啼○
月○血○滌○微○腥○

尾文

任○擲○掀○從○裏○緊○翻○覆○猶○如○人○世○情○怎○地○把○世○上○痴○人○

吹他春夢醒。

予既賦月。因念風月平分。而古人不多見歌
風之作。宋玉風賦。分別雄雌。未免困於莊語。
恐於封家。姨擲花弄月之致。隔去萬重。乃爰
尋舊譜。度新聲。摹出一段無情之情。境外
之境。遂覺吼天作業。竟成柔怨。風流誰謂一
寸霜。毫無功於風月哉。自跋。
賦月歌風兩詞。可稱雙絕。而歌風尤難。非當

行名手。不能辦隻字紫。沈文獲

詞家咏物如作八股小題。決非學究頭巾所
能辦。此詞妍雅風流。有翩翩裘馬少年之致。
彼作老婆語者。舌重如石。即今讀此篇。恐亦
期期艾艾。不能成誦耳。張聖清

松蘿折偏

紫水因入成
二子花梁目
香露真視

○○○花生日祝花有跋

南商調黃鶯兒

把酒祝花神願年年是好春無風無雨清明信狂生
臥君佳人戴君主人好事憐君甚製新聲移春小檻
爭阮配簫笙

前腔

把酒祝花神願開時對酌人香爐茗碗常相近高僧
許尋名詩許評阿翁濟勝身無病更園丁時時捱襖

微隨風流

絨索護金鈴

前腔

把酒祝花神願先生粗不貧酒錢猶可支花信新茶
正新醇膠正醇藤花竹笋剛肥嫩綺筵成飛箋召客
珠履破花痕

前腔

把酒祝花神願吾曹盡後生花前個個堪聊興或折
上瓶或掃來做茵或酒籌探得簪於髮總多情就

祝酒花神願吾曹盡後生花前個個堪聊興或折上瓶或掃來做茵或酒籌探得簪於髮總多情就

後來四國經
酒戲調文生
於情平情生
於文乎

春醒未醒夢裡也懣芳魂

猶兄墜

祝○花○纔○了○更○低○語○問○花○神○誰○似○吾○曹○莽○後○生○花○前○生○
慣○撒○風○情○惺○惺○儘○把○我○詩○句○裝○彈○觴○政○經○綸○

前腔

祝○花○纔○了○更○私○語○媚○花○神○你○出○落○丰○標○越○後○生○生○辰○
今○日○遇○晴○明○須○慶○多○應○是○天○付○風○流○勅○嫁○東○君○

前腔

此一戲弄
屈而又變
嘲直令花仰
無可奈何

祝○花○纔○了○更○笑○語○戲○花○神○不○信○伊○家○獨○後○生○我○判○百○
萬○買○娉○婷○欺○君○只○怕○你○輸○却○風○流○減○却○風○情○

前腔

祝○花○纔○了○更○美○語○慰○花○神○畢竟○輸○君○占○後○生○妙○年○標○
致○恰○初○庚○韶○亭○好○一○似○絕○世○無○雙○出○閣○佳○人○

尾文

酬○風○酬○雨○愁○花○損○似○我○於○君○獨○有○恩○我○與○你○歲○歲○年○
年○永○定○情○

花之玉露

仲春十二日俗傳爲百花生日考之古亦謂
之百花朝甲寅春予讀書泖上是日拉村中
少年爲祝花之集因祭風雨乞爲護持其文
曰惟神爲兩間勞臣百昌施主位隸巽隅布
離和而揚震德神棲壁野司畢宿而友箕星
春首一犁頌恩澤者在農夫口中太平十日
獻治微者在天子殿上若乃畧酒芳林園圖
似錦輕嘘脈圃花氣如烟茲致騷人赴手拈

拾得春心方
是韵女

成詩料幽情韵女臨粧拾得春心此又風流
主盟吾輩屢蒙奇貺且是吟壇供奉詩緘每
借尊銜但至仁無窮施則不匱而大德猶憾
受或非宜于是持公道者謂神之澤奢春花
顏者謂神之心姪此固不足信之人言然亦
不可訓之物議也茲者仲春十有二日俗人
之譚傳爲花之生日吟士之口强名天之花
朝故某等典衣沽酒竊泛霞觴錫號徵名萃

無中生有說
母因繫

申華祝因是殺鷄爲黍於神酬功共口啣亂
代花乞命伏念花稟妍姿未聞以柔媚取罪
神有大力豈待以摧折爲威苟留一點之芳
艷庶大塊之文章不刊無傷百卉之幽妍即
名士之風流未歿殆大有造於天人豈直加
恩草木而已也神其鑒歆釋聽斯語尚享祭
畢各飲福酒歌吹右詞且綴以綵繒各贈名
號梅號素心居士其有老韵者特號和靖先

金拚俱妙想
見風流

生○竹○號○高○節○先○生○芍○藥○號○鄭○校○書○牡○丹○爲○金○
屋○瓊○姬○自○海○棠○一○株○爲○夢○梨○居○士○池○上○天○桃○
號○緋○衣○少○年○門○傍○古○槐○號○綠○衣○閨○抽○爲○秋○香○
亭○執○事○橘○爲○赤○心○學○士○紫○薇○爲○玉○京○貴○客○菊○
曰○東○籬○長○者○有○棟○出○屋○隅○謂○屋○角○守○望○桂○爲○
廣○寒○花○祖○山○茶○爲○陽○羨○配○翁○傍○籬○木○香○爲○雪○
衣○荀○令○薔○薇○號○司○香○院○使○石○榴○爲○安○大○夫○水○
仙○曰○夢○甄○侍○女○其○號○西○方○美○人○者○則○蜀○葵○也○

長勝會
然在日

贈已乃縱擊鼓紙錢紛飛亂紅低度亭午舉
酌進五菜羹梅花酒洞開四窓花氣來往東
風徐來客衣微動一時人氣踴躍快活不可
言日下春移席就花月剛上復出就月夜深
花霧冥濛坐客醉影傾歆而散予復浮十數
杯嚼梅花數百朶而寢時斜月在枕矣此勝
會不可不記也

自跋

乙丑百花生日記

自撰

項碎穢難無
所不記正使
一時勝會
終在司他年
晴雨閒忙死
生頓律皆一
團血淚耳子
野信有心哉
多清哉
極煩處有豆
清極散處有
結東極處有
有秋起此支
之以前勝而
表未體裁若
也

予自甲寅始為祝花之集以後歲歲為常儀
而乙丑尤盛蓋葺治就麓新居於此已八年
亭臺花木漸漸成章百卉競秀千霄蔽日名
花勝事始兩相映發先是五日徧召吾友拓
漢水冲如容卿湛生伯英友夔於柳西致巨
卿公選存人於浦口天馬凡六人則竹里鳴
玉瑞齡鳴諧伯明茂林城中凡七人則翁公
伯瑞彥容東郊子還輝先石公方外兩人則

慧解性白山隣止雨入則陳壽卿鄭君泰是
日先後繼至有阻風不至者初謂十二日擬
得十二人已而止得十人稍焉楚人李劍壚
來訪東郊携一歌姬至適如數焉乃命酒洗
爵告奠風雨金華間作有聲無辭凡以鼓吹
天和宣達陽氣祭畢撤饌始迎花神而致祝
焉予時有歌童六人善三絃者曰停雲善琵琶
者曰響泉善頭管及撈箏者曰秋聲善纂

及簫笛者曰永新。善阮咸吹鳳笙者曰松濤。
霓裳於是各奏其技。稱觴而前。每進一杯。歌
小詞一解。而絲竹之音從而和之。已而飲福。
左右互勸。小童登場。快歌迭唱。於時昏錢紛
飛。紅雨如霧。東風洋洋。群鳥和鳴。萬樹懸緗。
葉葉浮動。花神有知。當亦含哺而破顏矣。繼
命庖丁。區處福物。山蔬野蔌。未免富貴風致。
蓋菲簪之于紅裙。捧觴青童。典樂山翁。於此

儼然列坐

記其連次復
記其年齒并
比人之形容
迥澤亦恍然
在目矣

亦似作繁華夢云是年花信獨早梅花未殘
桃夢已放幽草閒花望煖俱發予乃滿貯古
瓶○中○堂○置○之○高○及○屋○梁○光○艷○四○出○而○紛○紛○酒
人○環○坐○其○側○首○則○李○劍○墟○時○年○五○十○二○以○楚
人○也○獨○上○坐○焉○次○陳○耆○公○時○年○六○十○八○次○沈
竹○里○時○年○六○十○五○次○張○瑞○齡○時○年○四○十○四○次
呂○鳴○諧○時○年○三○十○五○次○魏○東○郊○時○年○三○十○二○
次○張○容○卿○時○年○四○十○五○次○張○冲○如○時○年○三○十○

高令及辰故
語含蘊

三○兩○君○以○予○戚○也○坐○獨○居○後○壽○卿○君○泰○以○比○
隣○也○坐○亦○居○後○焉○壽○卿○四○十○五○君○泰○三○十○八○
予○時○亦○三○十○八○以○主○人○居○末○坐○歌○姬○年○十○九○
獨○粉○面○蓮○腮○而○北○面○坐○焉○是○日○也○餚○不○甚○豐○
而○小○品○俱○出○新○意○酒○不○甚○醖○而○芳○白○可○鑒○
目○今○不○甚○苛○而○敏○妙○靜○治○酒○斜○闇○闇○然○至○於○
臨○池○之○月○快○爽○如○秋○掀○衣○之○風○滑○淨○如○水○小○
童○之○歌○幽○脆○如○鶯○坐○客○久○談○如○紛○
罪○玉○屑○至○

意慘然乃
如鶴花時月
豈可使有推
阿之歎

夜深不肯去皆一時幽勝之可紀者也嗟乎
人生韵事能有幾何一年艷節能有幾日倘
眼底挫過妄冀後期正恐聚散閒忙歟生病
徒有不可知者耳試讀蘭亭序閱西園雅集
圖遺文具在人事如何未免有情有不對之
而涕淚也哉則與其悵歎古人何如消受今
日之爲得也予將歲歲舉焉明年當更爲護
花旗插香幕絳鈴索以珍重之拉名士十二

如此清愛庶
幾絕時無源

通與無遠

人各製新詞。更令名姬十二人立時翻譜。以讚歎之。且仿此遺意。從而倭月八月十五月夕之辰。亦將舉杯而酌。姮老焉。庶幾花月同盥。良辰分享。更屬管城傳示。信史令千載之後。與蘭亭序雅集圖共發。有心人一痕。痛淚。則吾輩朽骨。生氣恒新。姓名事蹟。常與斯文俱隱顯也。是爲之記。

乙丑祭風雨文 自撰

勝事必得高
文以傳有此
記復有此文
足可傳之不
朽矣

方春時和萬物條暢山花向人莞爾而笑此
五風十雨時也乃兩月以來神數見譴狂靈
怒號十日而九病粉愁香俯首聽命而已獨
念某等小人既絕妄念於人間聊寄閒情於
花圃門無二仲則花我友也室無艷釵則花
我姬侍也闔硯田之荒蕪答陽春之烟景則
花我文章也燥濕辨其土宜柔勁和其物性
則花我經濟也貴近爭肥田世易其主野人

安廢圃歲享其愚則花我恒產也落材可以

供炊取實何妨換酒則花我泉貨也折奇葩

以寄所私浸芳醪而投密友則花我應酬往

還也簪酒籌而綠鬟粘紅欄香茵而黃衫蘸

粉則花我冠裳枕席也嚼芳艷而齒頰生香

沁清芬而肺腸開悅則花我神魂標韻也以

故一枝傷如一體折一瓣飛如一淚零真所

謂連心之痛同氣之吁所仰德於神者夫豈

鮮哉伏願自今以往鑒情痴之無涯憫香魂
之易殞加意護持順時矜恤施恩於望澤之
時霽怒於厲威之日使幔亭微而不張錦帳
設而不用則大德殊恩無量無邊矣某等不
勝竦息虔禱之至

乙丑祭花神文

自撰

惟此之日神實降生錦天渾沌從此方開香
國文明於焉載啓某等敢不鋪張艷節鼓吹

良辰用是并日風戒厥明將事既酒烈而香
溫復絃繁而管細從事皆韵士稱觴有美人
預防意外之杞憂酬風酹雨似戲膝前之萊
綵裂錦懸繒凡以曲致其留連或者無慙於
盛舉神其來思共含怡而飲我酒也
韶華九十莫妙于百花朝燈期纔過風信未
來柳線搓金梅粧綻玉踏青陌上絃扇初攜
闌草闌中繡弓纔試春今將半樂也如何過

此則芳林爛熳。觸目可憐矣。于野每際斯辰。
便具羔豚以賽之。擊羯鼓以催之。譜艷辭以
媚之。招良朋以祝之。且邀靈青帝。乞澤雨師。
千樣護持。百般欣賞。花神有知其不待曉風
吹可知也。由是桃紅李白。魏紫姚黃。更替競
發。豈逮詒未到曉鐘之恨乎。故吾謂及時行
樂。子野有焉。即古人修禊秉蘭。猶爲晚耳。甲
子長至。彥容識。

一團韵致絕世風流花營獨步自應推戴每
讀一過想見其人毛孔皆韵也韓巨卿

○○○惜花有跋

南商調二郎神

多情薄命令
人直欲痛哭
夜寒燈暈添人悶
寶欄杆外欲謝難禁
憐花病見廢紫休紅點繡茵輕又薄香魂全瘦損多
情薄命經二十四番風信烟雨樓臺一曲笙更紗窗

啄木兒

含風笑浥露顰偏對淒涼掩淚人乍飛牋錦字迴文
忽逗破綉床香印春深小閣休文病琴心近接蕭娘
外傳神
声声悽怨言

寄帝殿花食
高直夢香
妾命一齊斷
送矣

信正獨自開箱檢綉裙

三段子

空中似塵淡濛濛是誰人夢魂苦前似鱗點疎疎是誰人淚痕平明一陣寒差甚繡簾不捲風尤緊正酒
暈扶頭倦粧時分

前腔

桃源杏村酒香衫風流後生花棚繡裯點毒種詞壇
俊英儘教拾向奚囊錦可憐一霎繁華影知道明年

既熱開心死
憐又恨不恨
不可以爲憐
也

餘情縷縷

是誰相近

滴溜子

一○片○片○一○片○片○芳○菲○哄○人○一○點○点○一○点○点○東○君○負○心○
作○踐○韶○華○直○恁○子○規○啼○一○聲○撩○亂○古○墳○荒○徑○幾○回○風○
雨○知○多○少○葉○葬○芳○魂○

尾文

陌○頭○剥○有○弓○鞋○印○又○付○與○花○驄○踏○作○塵○總○件○件○教○人○
憐○惜○恁○

吾輩惜花。當自有一種情味。在。余嘗有詩曰。
但能痛飲。便名士。解得惜花真。丈夫識此意。
者。花自可惜。宜乎此詞字字銷魂也。有客攜
往金閨。爲歌樓所譜。云其聲大是幽怨。想當
然耳。
自跋

春江花月夜。最能愁殺人。况一丘粉黛脂冷。
如虞姬起舞。綠珠墮樓。妃子葬馬嵬。時有不
黯。然淒斷者耶。倘于老紅。紛飛殘香。銷歇處。

撾羯鼓唱子野詞。可以招月魄之不歸。吊芳
魂之無子矣。眉公評

紅顏衰謝。千古傷心。讀此詞。今人情苗意。辦
纏綿無盡想。花神亦應泣然。灑涕矣。單藻園評

管人云。天若有情天亦老。予謂芳園繡谷春
風扇和嫩紫嫣紅。滿世界皆天公情譜也。韻
士賞心。佳人動鬼。其留連殢惜。亦何待重陰
垂幕落錦成茵時耶。雖然造物亦必賴文人

彩筆爲寫怨。摹顰方成衆。香國中一部。花史。
讀子野惜花詞。情深韻深。卽封家十八姨爲。
柔腸繞指矣。董仁常評

善貌花者。曰似美人小影。夫帶雨迎風。以倩。
女顰面寫之。尚隔一重。何如卽花寫影。非幻。
非真。更覺入妙。余從省公齋得晤子野。病骨。
瘦瘠。體不勝綺。而語花深至。乃爾不獨香艷。
如玉臺西崑諸體而已也。高閏仙評

偷頭一夢失
却芳春哀院
之言字字可
涕

○○○送春

南仙呂桂枝香

留春不住○勸春休去○無過柳眼○花鬚去也○還歸何處○
匆匆○這回○歎匆匆○這回○忙裏○沒些滋味○愁裏○沒些情○
緒○猛○牽○幃○花○隨○流水○紅○顏○亦○笑○透○窗○紗○粉○淚○垂○

前腔

留春不住○怨春無語○爭○拋○繡○院○臺○池○怎○撇○錦○天○羅○綺○
匆匆○這回○歎匆匆○這回○樓上○滿○簾○紅○雨○陌上○滿○空○飛○

善於寬解畢
莫寬解不得
正是情深

絮○怎○支○持○添○些○春○恨○眉○間○住○攪○得○春○魂○夢○裏○痴○

前腔

留○春○不○住○酒○春○無○淚○年○年○薄○倖○東○君○識○得○機○關○破○矣○
匆○匆○這○回○歎○匆○匆○這○回○愁○不○共○春○歸○去○春○不○共○愁○俱○
住○强○支○願○杯○中○量○減○緣○何○事○病○裏○慵○添○爲○甚○的○

前腔

留○春○不○住○罵○春○無○罪○東○風○忒○恁○無○情○吹○得○老○紅○鋪○地○
匆○匆○這○回○歎○匆○匆○這○回○處○處○斷○腸○之○處○句○句○斷○腸○之○

無一字不曉
無一字不愁

凡有盡情
種無窮寫到
此乃知眼底

句。吊。芳。菲。空。餘。杯。酒。堪。懷。古。剩。有。啼。痕。寄。所。私。

不是路

猛。自。尋。思。誰。似。鍾。情。吾。輩。痴。傷。春。意。留。連。何。忍。別。春。
衣。闌。傷。悲。休。他。拾。翠。弓。鞋。底。冷。落。歌。花。小。扇。兒。窮。生。
計。開。窓。風。活。關。窓。雨。暗。燈。孤。炷。暗。燈。孤。炷。

皂角兒

亂。紅。飛。哭。殺。鵲。兒。薄。綿。飄。啄。殘。鶯。嘴。這。多。應。眼。底。淡。
涼。恰。便。是。世。間。興。廢。眼。兒。得。葵。妖。姬。殉。爵。士。換。前。朝。

繁華此是
歲

不景身
移後代一番兒戲春今歸去明年再回怕的是芳菲
不改綠髮添絲

尾文

一塲春夢輕如此一曲高歌春去怎消得燕子鶯兒
攪亂飛

始而勸春既而怨春且繼之以泣而終之以
罵何其低回宛轉如是耶古人有言怨而不
怒此可謂怨而怒矣吾輩寧過情毋不及情

不怒不可以爲怨也。顧問生

此詞彥容首唱吾輩同聲和之初止桂枝單
調偶示歌師謂其無餘音似乎板實乃補後
幅兩條不覺言之更爾酸怨正如窮村怨女
夜泣已悲更有熱心隣姬從旁和之者耳自記
綢繆宛轉俯仰流連或撫今懷古而烈士魂
銷或怨綠愁紅而美人命奪紙上墨痕已不
堪多讀况譜之鶯喉耶恐聞之者掬淚浣面

耳○張子還

意○不○盡○言○言○不○盡○意○無○窮○感○慨○一○往○情○深○汪

子野

○○元宵

南南呂梁州序

千門花柳九達烟霧結絳家家旗幟騰騰火樹星橋
欲駕銀河只聽南隣敲鼓北里吹簫那個能閒坐金
吾不禁夜放恩波正萬井騰歡賜大酺合春剛到梅
剛吐况一輪皓月剛三五不痛飲待如何

前腔

春輕猶嫩風温不大燈滿雲衢月路見嬌羞細語櫻

卷之九

前腔。

前腔

喜良辰。偏遇春初。樂昇平。風光無數。見彌天花。艷絕。

風情逸興隨
口吐出

非酸腐○早是燈棚○高架燈樣○新興○總把春粧○塑誰家○
夜半也笑呵呵○尚兀是怕睡○貪歡問紫姑○令前

節節高

風流逸事○多把綺筵○鋪傳柑共剝○黃金顆○彈箏坐拍○
板歌拈花舞律○催太簇○翻新譜○歡呼驚落燈花朵○令
怕不今宵醉如泥○月傾杯勸銀盤大○

前腔

春烟散綺羅○泛紅螺○團頭明月○清風我與詞人坐○教

名效歌把新詩做一團歡天圖簫鼓回堂人物盡風
流個合前

尾文

儘判爛醉酬三五不歡娛其如此夜何把自製新詞
得意歌

施楓溪野外元夕云休嫌冷落山家山翁本
厭繁華試問蓮燈十炬何如月上梅花詞頗
清艷然未脫帶大酸氣予野千門花柳九達

烟霧極麗矣。乃後段云。團頭明月清風。我與
詞人坐。教名妓歌。把新詩做。抑豈村漢賞燈
耶。宋元來燈詞。定以此篇壓卷。陳壽卿

燈夕花朝。爲初春令節。子野每走尺一相招。
留連觴詠。推之雪晨月夕。時具勝情。因錄其
來于後。今覽者彷彿其人。自堪不朽耳。巨卿識
春初遠辱惠顧。得共商元宵韵事。樂何可言。
別後忽忽。若有所失。何足下之牽人懷一至。

此也。今歲花朝。擬集名姬韻士。爲花神譜曲。
稱觴坐上。豈可少足下。足下亦焉肯自外耶。
初十邊。卽望偕存人作計。入山。恐至期或有
風雨阻也。僕今春舊恙復作。雖旦晚卽止。第
如此長病。可知閻先生意欲云何。不如與花
月結爲姻戚。今青州從事作媒。庶幾是現前
享受。足下少年當惡聞斯言。然正欲作此顏
語。激弟銳氣耳。勝會難得。惟足下重念之。
子野來

帶鴉鬟纔去尋梅與隣姬又約鬪草

千秋歲

近花朝紅杏枝頭開一點點上芳草草綠如烟草
綠如烟遙襯着冶遊兒雕鞍藤轎鞦韆架垂楊道綺
羅袖簪花帽賣弄人年少把花籃掛酒竹杖高挑

前腔

醉紅桃市可是清明到昨夜雨今日晴了紫陌烟消
紫陌烟消花容洗出十分波俏朱橋外尋春棹紫藤

下烹茶。灶吟就新詩。好倩花鈿換酒玉指吹簫。

越恁好

荷錢纔出水。荷錢纔出水。潌紅潮甫秀。萼木香棚那。
壁。酴醾架盡白了。挽榴花樹高。挽榴花樹高。見碧溜。
溜。小鈿兒掛在樹梢。紅簇簇紫薇白。玲瓏茉莉兒分。
贈艷嬌。小池月高。閣風是處蓬萊島。看佳人笑指牛。
女高照。

前腔

早秋來至早秋來至聽庭梧一葉飄恰穿針過了正
月夕天氣好沸鸞笙鳳簫沸鸞笙鳳簫採香馥馥木
樺兒插傍玉搔喚中秋餅兒又重陽饒脯兒捱到歲
梢菊未老蓂又嬌橘綠橙黃了見烟汀雁落簇簇紅
蓼

紅綉鞋

擘一股紫蟹霜螯霜螯扯一腿黃鷄肥好肥好收新
稻甫笏醪扶紅袖寫鰈綃人都道是詩豪

前腔

紙糊窗雪下鵝毛鷺毛一枝梅窗外偷瞧偷瞧粧閣
裡有人道羊羔熟須快倒不然呵怕雪霽了

尾文

一年日風光好莫道今宵是下梢殘年過也又有
明年春到了

歲事云暮日月就除農事已休春耕未起紙
窗明煖梅影蕭疎雪月燈檠夜幃茶熟此時

一○盆○火○一○瓶○花○煨○半○數○頭○家○人○姬○侍○相○與○守○
歲○圍○爐○燒○棗○焚○木○檢○點○一○年○區○處○花○月○幾○何○
通○欠○詩○酒○債○若○干○更○以○文○心○之○波○旁○及○聲○律○
令○小○童○歌○自○製○新○詞○一○兩○章○覺○枯○寂○之○氣○一○
時○遣○去○鬚○眉○毫○髮○皆○溫○溫○然○有○生○意○此○山○翁○
極○風○致○極○快○樂○事○也○予○舊○歲○有○南○北○雙○調○一○
闋○已○曾○被○之○絃○索○中○有○云○堪○笑○炎○涼○人○情○變○
又○共○說○元○宵○忘○舊○年○又○云○若○過○望○便○千○般○未○

圓若安分便於今十全大率現前正足之語
也。今年迫除偶念春花秋月正無了期且東
坡云好風涼月即中秋菊花開即重陽不須
以日月爲斷。因復綴是詞將將來勝緣樂事
一一譜入。今歲寒村巷仍有無窮之春。冷淡
山家亦有循環之樂。雖預道未然似乎猶有
過望。但風花雪月本等受用安見非現前止
足也哉。彼奔馳于勢路名場百年而爲萬年

討者於此猶堪伯仲否也甲子臘八日記自跋

調本齟齬而詞極秀熨風流逸宕亦麗亦尖
麗猶可及尖不可當也張冲如

興致彌天風流蓋世將無限風情勝事收入

寸管要是冒懷浩蕩能吞若雲夢者八九耳

人有言不讀萬卷書不行萬里程看不得杜

詩予謂不如是亦做不得杜詩今於子野詞

常亦云朱伯瑞

世間樂事無邊。只許閒人酌人隨處領畧。非
子野不知此樂。非子野亦不能爲此言。

沈
淳
碧